

四庫全書

子部

欽定四庫全書

子部
普濟方卷二百十三

詳校官太醫院院使臣張聲基

編修臣倉聖脈覆勘

總校官中書臣朱鈐

校對官中書臣石鴻緒

謄錄監生臣張五誥

欽定四庫全書

普濟方卷一百十三

明

周王朱楠撰

泄痢門

腸滑下腸垢

附論

夫脉經謂大腸有熱便腸垢者腸間津汁垢膩也蓋傳
化之府熱氣積而為痢痢久不已腸間虛滑津垢方出
是邪熱氣實致臟氣虛故有此證

方

陟釐丸 治久痢下腸垢

陟釐 綠礬 石灰 各三兩 鉛丹 赤石脂 石脂

胡粉

各一兩半

右為末入餅子內燒一伏時取出研極細麪糊丸如梧桐子大每服二十丸空心粥飲下一方用吳礬三兩白礬一兩半

附子散 治久痢不瘥腸垢出

附子 赤石脂

桂 去粗皮

乾薑 各等分

右為末煉蜜丸如梧桐子大每服二十丸空心米飲下食前日三服

麝香丸 治久患冷痢及休息痢脾胃虛極大腸滑洩腸垢不絕

麝香 半兩 鹿茸 二兩

右為末醋煮麪糊丸梧桐子大每服三十丸粥飲下不拘時候日三服一方煮棗瓢和丸

烏梅湯 治久痢不瘥或腸垢

用烏梅二十個槌研水一升煎四合去滓空心服未
愈日晚再煎服

石榴汁方 治久痢不瘥腸垢出

用酸石榴皮大者一枚搗研絞取汁空心服之一方
酸石榴皮一枚和皮取汁

茛菪丸 治久痢腸滑下垢不止羸困勞痢

茛菪子 乾薑 白礬

各二兩

右為末醋煮麴糊丸如梧桐子大每服三十九粥飲

下

赤石脂丸 治水穀痢積久不瘥下腸垢

赤石脂

兩

桂心

兩

白礬

兩

乾薑

兩

附子

炮

兩

右搗羅為末煉蜜和搗百餘杵如梧桐子大每服不計時候以粥飲下

休息痢

附論

夫休息痢者由胃脘有停飲因痢積久或冷氣或熱氣乘之氣動於飲而腸虛受之故為痢也冷熱氣調其飲

則淨而痢亦休也腸胃虛弱易為冷熱所傷氣或動或靜則其痢亦乍發乍止故謂之休息痢也治法當先退其寒熱再投止痢之劑則愈也

方

麥蘖丸 治休息痢不能飲食及羸瘦

大麥蘖 附子 陳麴 肉桂 烏梅肉 人參

白茯苓

各一兩

右搗羅為末煉蜜為丸如梧桐子大每服三十九煮

棗粥飲不拘時

沒石子散 治休息痢脾胃氣虛冷大腸轉泄或發或

止

沒石子 肉豆蔻 桂心 各半兩 訶梨勒 一兩 龍骨 一兩

麝香 一分 厚朴 一兩半

右搗羅為末每服一錢粥飲半盞調下食前服之

丹粉丸 治下痢乍瘥乍發病名休息

丹砂 半兩 粉霜 三錢 膩粉 鉛丹 各四兩 硝石 研二錢 砒霜

研二錢 白礬灰三錢

右同研勻用水浸炊餅心為丸如菟豆大每服三丸
冷麪湯下看虛實加減

縮砂丸 治冷氣腹痛止休息氣痢勞損消化水穀溫
暖脾胃及治冷滑下痢

縮砂仁 附子 乾薑 厚朴 陳橘皮 肉豆

蔻 各半兩

右搗羅為末煉蜜和丸如梧桐子大每服三十九丸米

飲下食前服

吳茱萸煎丸

治休息痢肌羸無力腰膝冷臍下痛

吳茱萸

一兩

陳橘皮

三兩

生薑

一兩

無灰酒

升

附子

二兩

當

歸

一兩

右搗羅為散先將薑汁并酒入鐺子內慢火煎不住手攪次入藥末煎成膏候可丸即丸如桐子大每於食前以粥飲下三十丸

阿膠湯

治休息痢

阿膠 黃連

龍骨

各一兩

艾葉

半兩 倉米

二合

右粗搗篩每服五錢以水一盞半煎至五分去滓空

心溫服日午再服

肉豆蔻丸 治休息痢久不瘥嘔吐腹內疼痛

肉豆蔻

訶梨勒

烏梅肉

各一兩

黃連

半兩

白礬

半兩

右搗羅為末煉蜜為丸如梧桐子大每服二十九空

心用粥飲下

紫金散 治休息痢

定粉

鉛丹

各一兩

大棗

二兩

莨菪子

一兩半

訶梨勒

一兩

右同和搗成一團以麪重裹於火中燒令烟盡取出
去灰土令淨搗羅為散每服空心米飲調下

四霜丸 治休息痢久不瘥

巴豆霜

半錢

百草霜

二錢

粉霜

一錢

砒霜

半錢

乳香末

一錢

右研細令勻用黃蠟半兩鎔汁和為丸如漿豆大每
服一九食前服

安息香散子

治休息痢發歇不恒羸瘦少力

安息香

兩半

阿膠

兩半

黃連

兩一

桃白皮

兩一

漢椒

分一

右搗細羅為散每於食前以粥飲調下一錢

治休息痢發歇不定經久不瘥

黃牛角腮

木賊

草豆蔻

各一兩

麝香

分一

楮葉

兩一

右搗細羅為散每於食前以粥飲調下一錢

白頭翁丸

治休息痢日夜不止腹內冷痛

白頭翁

兩一

黃丹

兩三

乾薑

兩一

黃芩子

升半

白礬

兩二

右搗羅為末以醋煮麩糊和丸如梧桐子大每於食前以粥飲下十九

黃丹散 治休息痢諸藥無効

黃丹

三兩

棗肉

三十枚

枳殼

半兩

黃連

半兩

兩

右搗羅為末每服一錢空心粥飲調下忌油膩冷物亦治赤痢

白茯苓丸 治休息痢日夜頻併

黃連湯 治休息痢多時不瘥

黃連 龍骨

各半兩

艾葉

一握半兩

阿膠

半兩

右細剉以水三盞先煎黃連等三味至一盞半去滓次下阿膠再煎至一盞分為二服空心一服如人行十里再一服每服藥後濃煎乾艾葉湯飲之一方煮忍冬米和飲之

硫黃丸 治休息痢發歇不定經久不瘥

硫黃 砒黃

何首烏

白礬

各一兩

右相和勻入磁瓶子中五月五日取不食井水和鹽

泥固濟封頭候乾安瓶中燒令通赤候冷取藥細研以麪糊和丸如菉豆大患近者黃連湯下久老橘皮湯下一丸

黃芩丸 治一切休息痢日痢不止四體倦怠

黃芩 半兩 砒霜 烏梅肉 黃蘗 各一分

右搗羅為末煉蜜和丸如菉豆大每服五丸冷水下

四神丸 治多年休息痢疾

當歸 半兩 烏梅 七枚 黃連 一兩 龍骨 半兩

右搗篩為細末以薤白細研和丸如梧桐子大每日空心以溫漿下十五丸至二十丸

玄精丸

出聖惠方

治休息痢久不瘥面色青黃四肢逆冷不

思飲食

太陰玄精 白礬 黃丹 青鹽

右件藥細研入生鐵銚內燒礬汁盡為度後以不蛀皂莢三挺存性燒熟都研為末用糯米飯和丸如梧桐子大每於食前以粥飲下十丸

硫黃散 治休息痢不止腹內冷痛不思飲食

硫黃 肉豆蔻 梭閭皮 阿膠

右搗羅為散每於食前以粥飲調下一錢

縮砂丸 治休息痢

縮砂仁 肉豆蔻 羊肝

右拌和令勻用麪和作餅子裹又以濕紙三重裹於
塘灰內火煨令香熟去焦麪紙研細為丸如梧桐子
大每服三十九空心用米飲下日再服

玉液丹 治休息痢

白礬 硫黃 硝石

右於乳鉢內相和研作末却入沙瓶子內以炭火鎔成汁取出候冷更研令細用麪糊為丸如菉豆大每服十九空心米飲下兼治腹風痔漏諸疾

金石散 治休息痢

石灰 鉛丹 糯米

右將前二味慢火燒一炊夕入糯米同研令細每服

二錢空心陳米飲調下

當歸丸

治休息痢膿血痢不止疼痛困弱煩渴

當歸

黃連

烏梅

右搗羅為細末以生蔥汁和衆手丸如梧桐子大焙乾每服三十九空心煎厚朴湯下加至五十九一方加阿膠一方煉蜜丸甚者鎔蠟丸一名神効散

訶梨勒丸

治休息痢晝夜無度腥臭不可近臍腹撮

痛諸藥不効

椿根白皮 阿子 母丁香

右為細末醋研和丸如梧桐子大每服五十九陳皮
飲湯入醋

神麴丸 治休息痢日夜不止腹內疼痛

神麴 蕪荑 吳茱萸

右等分熬生薑汁自然汁和丸如桐子大食前粥飲
下三十丸

括蔞散 治休息痢神効

括蕒 白礬 白石英

右將二味入括蕒中以濕紙裹燒赤為度候冷搗細杵為散每服一錢粥飲調下

又方 治休息痢

烏賊魚骨 蜜陀僧 白龍骨

右搗細羅為散每於食前以粥飲下一錢

阿膠丸 治休息氣痢神效

阿膠 烏梅肉 黃連

右搗羅為末用蒜煨研和丸如梧桐子大

治休息痢羸瘦

黃連 定粉 棗

右搗棗如泥鋪於紙上安二味藥裹之燒令通赤取出候冷細研為散每服使好精羊肉半觔切作片子用散藥三錢摻肉上使濕紙裹燒熟放冷食之不過三兩服効

附子丸 治休息痢赤白痢

附子 鷄子

右先將附子為末以鷄子九如梧子大一時傾沸湯內煮數沸瀉出分作兩服米飲下空心日午各一服

縛虎丸

砒 黃蠟

右將黃蠟鎔開下砒以柳條七個攪頭焦即換候成膏取起旋丸如梧桐子大每服一九痢冷水下脾疼亦然腰痛冷酒下並食前小兒丸如麻子大

薑茶湯 止休息痢

乾薑 建茶 各一兩

右以烏梅取肉凡如梧桐子大每服三十九食前米

飲下

療休息痢

乾地榆 一觔 附子 一兩

右以酒一斗漬五宿飲一升日三服盡更作忌猪肉

冷水

治休息痢

牛脂

一觔黃蘗八兩

右切以水八升去滓食後服一升暮一服服下止煮糜食之

治休息痢羸瘦宜服

杏仁

一兩
去皮獾猪肝一具

右件肝以水洗去血漉出後於淨鐺中一重肝一重杏仁入盡後用童子小便二升入鐺中以物蓋慢火

煎令小便盡肝熟放冷任意食之

又方

縮砂一兩肉豆蔻半兩

右搗羅為末用羊肝半具細切拌藥以濕紙裹三五重更以麪裹用慢火燒令熟去焦麪并紙入軟飯研丸如桐子大每於食前以粥飲下

訶梨勒散 治休息痢腸滑

訶梨勒皮三兩栗三兩

合

右相和以慢火炒以粟黃為度搗細羅為散不計時
候以粥飲下

治主休息痢大小便頻數

用山魚蘇乾末米飲調下

治痢久下經時不愈者此名休息

用大蟲骨炙令黃焦搗末飲服

患休息痢者

以醋煎白豆腐食之即愈

治休息痢腸滑

用藤羅二兩搗細為散每於食前以粥飲調下二錢

四物湯 治休息痢

熟湯下駐車丸每服百粒痢初服而愈

治休息痢

用梅根葉煎濃湯服之

治久下痢經時不止者此成休息痢

用虎骨炙令黃搗酒服方寸匕日三服愈

痢兼渴

附論

夫痢不瘥則腸胃虛弱津液減耗不能上潤於咽嗑故
口舌焦乾而內煩使人引飲飲多則濕氣淫溢肌肉虛
浮而痢亦不瘥

又方

人參湯 治洩痢上膈虛熱煩渴引飲口瘡不下食困
劣

人參 白茯苓 木香 麥門冬 葛根 前胡

梔子仁

黃耆

陳橘皮

訶梨勒

各一兩

半夏

二兩

甘草

半兩

右粗搗篩每服四錢水一盞半生薑三片陳米一合

同煎至七分去滓空心溫服

黃芩湯 治泄痢臟腑虛燥煩渴不止

黃芩

石膏

甘草

枳殼

黃蘗

女萎

括

樓根

各半兩

檳皮

三分

白茯苓

半兩

淡竹葉

三分

右搗篩為粗末每服五錢水一盞半煎至一盞去滓空

心溫服未止再服

石膏湯 治痢後渴不止

石膏 麥門冬 括樓根 茯苓 知母 黃連

枸杞根皮 白茯苓

各一兩 胡粉

半兩

右搗研為末煉蜜丸如梧桐子大每服三十九空心米飲下晚食前再服或作散冷熱水溫服二錢

烏梅湯 治久痢食即嘔吐煩渴不可忍

烏梅肉

半兩

黃連

三分

白茯苓

黃芩

龍骨

各半兩

訶

梨勒

分三厚朴一兩阿膠半兩

右搗篩粗每服五錢漿水一盞生薑三片同煎至七分去滓空心溫服日午再服

瀉心湯 治卒然下痢熱唇乾口燥嘔逆引飲

人參

甘草

黃芩

桔樓根

橘皮

各一兩

右㕮咀以水六升煮取二升分三服治老小痢水穀不化腹中雷鳴心下痞滿乾嘔不安無橘皮桔樓若寒加附子一枚渴加桔樓一兩嘔加橘皮一兩痛加

當歸一兩仲景用大棗十二枚

黃連丸 治下痢煩渴

括蔞根湯 治下痢冷熱相衝臟腑氣不和順本來下
虛津液耗少口乾咽燥常思飲水人初不許飲水毒
氣更增煩燥轉甚宜急與湯飲救之不得令至過度
止渴

括蔞根 甘草 白茯苓

各半兩

右粗搗篩每服五錢以水一盞半麥門冬一分去心

棗一枚擘破同煎至七分去滓不計時候溫服

黃連丸 治熱痢黃膿發渴四肢煩悶

麥門冬湯 治痢魚渴

麥門冬 一兩半 烏梅 七枚

右剉以水二盞煎取一盞去滓分溫二服空心晚食
前服

陳米湯 治吐痢後大渴飲水不止

右用陳廩米水淘淨二合水二盞煎至一盞去滓空

心溫服

治痢後渴

用糯米二合以水一盞半同研絞取汁空心頓服之

痢魚腫

附論

夫下痢身體浮腫者久痢所致也痢久則胃氣弱而腸虛胃者土也所以化水穀而克肌肉若胃土氣衰不能勝濕則水氣妄行流溢皮膚故痢而魚腫也得小便利者即愈

方

澤漆湯 治夏月暴冷忽壯熱泄痢引飲變通身浮腫

脉沉細小

澤漆

一兩半

吳茱萸

赤茯苓

白朮

桔梗

當

歸

青木香

犀角

芍藥

海藻

大黃

各二兩

右剉如麻豆大每服以水二盞煎藥五錢匕取分去

滓溫服

防已湯 治痢後四肢浮腫喘息促急坐卧不安小便

不利

防己

豬苓

桑根白皮

赤茯苓

各三分

青橘皮

海蛤

檳榔

紫蘇

木通

各一兩

木香

白朮

各半兩

右粗搗篩每服三錢以水一盞生薑三片煎七分去滓溫服不拘時

木香湯

治下痢後虛損臍下痛四肢浮腫

木香

五加皮

桑根白皮

檳榔

苑仁

各三分

李仁

各一兩

松節

二兩

薏苡仁

陳橘仁

各三分

右粗搗篩每服三錢水一盞煎六分去滓不拘時稍熱服

澤漆湯 治痢後腫滿氣急喘嗽小便如血

澤漆葉

五兩

桑根白皮

郁李仁

三兩

杏仁

人參

各一兩

兩陳橘皮

白朮

各一兩

右粗搗篩每服五錢水二盞入生薑三片煎取八分去滓溫服後半時辰再服取下黃水數升或小便利為度

茯苓湯 治痢後遍身浮腫

赤茯苓 白朮 各一兩 防己 黃芩 各三兩 射干 澤

瀉 桑白皮 各三兩 澤漆葉 一兩

右粗搗篩每服五錢先以水三盞煮大豆一合取二盞去滓內藥煎取一盞分為二服未瘥頻服兩料

女麴散 治痢後虛腫水腫者服此藥小便利得止腫亦消

女麴 一升 乾薑 細辛 椒目 附子 桂心 各一兩

右治下篩酒服方寸匕不知加至二三匕日三服產後虛滿者大良効

桑白皮湯 治下痢後脾胃虛弱不能制輸水氣以致身腫脹悶

桑白皮

赤茯苓

郁李仁

陳橘皮

各一兩

右剉如麻豆大每服五錢水一盞半入赤小豆一百粒同煎至八分去滓食前服

消痞丸 治痢後肚腹滿悶

蒼朮

四兩 陳皮

一兩 青皮

一兩 木香

二錢

右為末醋糊丸如梧桐子大每服二十九空心溫酒

送下

治痢後手脚皆腫不可行步

川烏 赤芍藥 蒼朮 土硫

右等分為末丸如梧桐子大以木瓜湯下食前

香菽散 治下痢體腫

右大豆炒熟去黑豆用一合搗羅為散用粥清調一

錢日三

治痢後日久津液枯竭四肢浮腫口乾

用冬瓜一枚以黃土泥厚裹五寸煨令爛熟絞汁服之

下痢不能飲食

附論

夫痢後不能飲食者內脾胃虛弱氣逆胃間之所為也風邪入於腸胃而痢痢則水穀減耗脾胃虛弱痢斷之後脾胃常虛不勝於食邪搏於氣逆上則胃弱不能食

也○下痢禁口不能飲食雖曰脾胃益膈熱氣閉膈心悶所致也俗用木香則失之溫用山藥則失之閉惟真料參苓白朮散加石菖蒲及以道地粳米飲乘熱調下或用人參茯苓石蓮子肉入些石菖蒲與之胸次一開自然思食

方

訶梨勒丸 治痢後虛羸不下飲食

訶梨勒

一兩

木香

半兩

肉豆蔻

當歸

乾薑

白朮

白芍藥

厚朴

各一兩

縮砂

三分

陳橘皮

三分

桂心

半兩

丁香

香

半兩

右細羅為末煮棗瓤和搗三百丸梧桐子大每服
不計時候

治猪肝丸

治痢後脾胃虛弱不思飲食四肢乏力

猪肝一大葉

烏梅肉

一兩

甘草

一分

草豆蔻

當歸

葶撥

阿梨勒

肉豆蔻

桂心

厚朴

乾薑

各一兩

右搗羅為末用豬肝和搗三二百杵凡梧桐子大每服不計時候以粥飲下

人參散 治痢後脾胃虛乏不能飲食四肢羸瘦宜服

人參 高良薑 白朮 白茯苓 乾薑 厚朴

當歸 肉豆蔻

各一兩

甘草

半兩

右搗細羅為散每服不拘時候煮棗粥下二錢

白朮散 治久冷下痢後胃尚虛不能飲食四肢少力

白朮 乾薑 木香 甘草 厚朴 阿膠 訶

梨勒 當歸

陳麴 各一兩

右搗細羅為散每服不計時候煮棗粥調下二錢

白朮散 治痢後四肢羸弱不能飲食

白朮

二兩 陳麴

一兩

肉豆蔻

一兩

乾薑

當歸

人參

各一兩

桂心

半兩

木香

半兩

附子

二兩 炮

右搗羅為末煉蜜和搗三二百杵丸如梧桐子大每服不計時候煮棗粥下三十丸

木香丸

治痢後脾胃氣虛弱不能飲食四肢乏力

木香

兩半

阿梨勒

縮砂

丁香

肉豆蔻

人參

甘草

乾薑

厚朴

右搗羅為末醋煮麴和為丸如梧桐子大每服不計時候煮棗粥飲下

麥蘖丸

治痢不能食氣虛羸瘦

麥蘖

麴

半個炒令黃色

附子

桂心

烏梅肉

人參

白茯苓

右搗羅為末煉蜜和搗三二百杵丸如梧桐子大不

計時候煮棗粥飲下三十丸一方七月七日麴

治老小下痢柴立不能食食不能化入口卽出命在旦

夕

黃連末

半子殼許

亂頭髮灰

醇苦酒

蜜

鷄子黃

白蠟

右於銅器炭中火上先內苦酒蜜蠟鷄子黃攪調乃
內黃連末髮灰又攪煎視可搏出為丸久困者一日
一夜盡之或二日盡之瘥

白朮神麴丸

療痺胃氣微不能下食五內中冷反微

下痢

白朮

神麴末

甘草

乾薑

枳實

右搗篩蜜和丸空腹以溫酒服如梧桐子大二十九
二服漸加至三十丸腹中痛者加當歸忌麴海藻松
菜桃仁李雀肉等

治禁口痢

生薑 芥菜子

右藥搗碎絹帛包之貼於臍上立効

治禁口痢

用真山藥一兩半生為末米飲調服神効

治禁口痢

用鯽魚一枚不去鱗腮去腸入白礬一栗子大紙裹
煨令香熟取出任意鹽醋食之一方燒存性為末米
飲調下

治禁口痢甚妙

用石連不以多少不炒剝去殼將肉并心研為末每服二錢陳米飲調下便覺思食此疾蓋是毒氣上衝華蓋心氣不通所以不食服此藥後心氣通利痢當頻下而愈未愈自服痢藥一方仍以日照東方壁土炒真橘皮為末薑棗畧煎佐之○療云痢疾不納飲食者俗謂之禁口今人多以四註散理中湯參苓散加肉豆蔻木香或噉震靈丹等藥調之恐非其治當以脉證辨之始脾胃脉不弱問而知其頭疼心煩手

足溫熱未嘗多服涼藥者此乃毒氣上衝心肝所以
嘔而不食宜用敗毒散每服四錢重陳倉米一百粒
薑三片棗一枚水一盞半煎八分溫服若其脉微弱
或心腹虛膨手足厥冷初病則不嘔因服罌粟為烏
梅澁藥服涼劑大過以致聞食先嘔此乃脾胃虛弱
一方用山藥一味剉如小豆大一半銀瓦銚內炒一
半生用同為末飯飲調下陳慶長知縣云項守官南
康其守年十許歲患禁口痢水漿不入者數日惟能

進同官一方書載一治法試用之一服而痢稍疎三服遂索粥食頗飲半盞許自是痢止而安此用山藥一味神効

禁口痢

用蘿蔔片不以新舊用好蜜擦於片上令患人口噙覺味淡再換令噙漸覺思食却用肉煮粥令患人聞香與食再用平胃散為妙

下痢濕中湯

用芍藥半兩生薑一兩桂心半兩吳茱萸一百五十枚切以水三升煮取一升分再服極驗

又方

用附子中者一枚炮乾薑中者三塊切以水三升煮取二升強人盡服弱人半不過三四日下

又方

用木鱉子去殼搥爛安臍中紙貼絹帛縛之若能飲食取去之

治痢疾 不進飲食投以痢藥則不能療俗名禁口痢
十有九死此乃疫氣傳入臟腑經絡所致

用人參敗毒散加陳糯米一百五十餘粒如常法煎
服立愈此方活人多矣凡卒暴注下皆因飲食不節
脾胃傷穀濕熱水穀不分洞然下行夏月飲食冷嗜
水尤多有之不可便服止瀉藥及濕熱之劑服之恐
成裏急後重而為積痢也得効方法如後

肉豆蔻方 治痢腹痛不能食用豆蔻一兩去皮以醋

麴糵煨以麴熟為度搗為散非時粥飲下一錢

敗毒散加石蓮肉治下痢熱毒衝心不進飲食

倉廩散 治禁口痢有熱乃毒氣衝心食即吐

人參 茯苓 甘草 前胡 川芎 羌活 獨

活 桔梗 柴胡 枳殼 陳米

各等分

右㕮咀薑薄荷煎熱服

參苓白朮散 治胃虛口禁

白扁豆 山藥 人參 甘草 蓮

薑汁浸炒去皮

肉 砂仁 桔梗 薏苡仁

炒各二兩

右為石菖蒲煎湯下又宜山藥半炒為末米飲下宜食生韭菜

下痢裏急後重

附論

夫下痢裏急後重者有瘕聚也經所謂大瘕泄者裏急後重數至圜而不能便莖中痛是矣法當和冷而祛蘊滯則脾胃和平飲食腐化其膿血自消大腸自和也

方

木瓜散 治下痢腹脹裏急後重

木瓜

白朮

白朮

剉厚朴

去粗皮生薑汁炙

木香

各一兩

桂

去粗皮

黃連

去鬚

當歸

炙

龍骨

縮砂仁

去皮

訶梨勒

煨各一兩半

赤石脂

三兩

杏仁

去皮尖雙仁炒十五枚

陳橘皮

去白焙三分

右粗搗篩每服五錢匕以水一盞半煎取八分去滓

溫服

勝金丸

治臟寒下痢臍腹撮痛腸鳴脹滿裏急後重

不思飲食日漸羸瘦宜服之

黃連

去鬚
五兩

龍骨

四兩

草豆蔻

去皮

赤芍藥

當歸

乾

薑

炮

地榆

橡實

各一兩

乾桑葉

木香

各三兩

赤石

脂

代赭

煨赤研
各四兩

右搗羅為細末醋煮麩糊丸如梧桐子大每服二十
丸至三十丸煎艾醋湯空心服

芍藥湯 下血調氣洩而便膿血和氣止血血止則便

自愈調氣則後重除

芍藥

一兩

當歸

黃連

黃芩

各半兩

桂

二錢半

檳榔

三錢

大黃

三錢

甘草

炙

木香

各二錢

右咬咀每服半兩水煎如痢不減漸加大黃如汗後
臟毒加黃蘗半兩依前服

白朮黃芩湯

服前藥痢疾雖除更宜調和

白朮

一兩

黃芩

七錢

甘草

三錢

右咬咀勻作三服水煎

九聖丸

治下痢赤白日夜無度裏急後重緊痛服之

特効

瞿粟殼

去帶膜米醋炒一兩重

川烏

炮去皮

黃連

去鬚

南木香

北赤石脂

枯礬

肉豆蔻

白茯苓

去皮乾薑

各三錢

右為末醋煮陳米粉糊為丸如梧桐子大每服五十丸空心米飲下腸痛不止當歸乳香湯下

換腸丸 治大人小兒瀉痢膿血腹中疴痛困倦減食裏急後重日夜無度服之有效

當歸

切焙半兩

青皮

去白

木香

各一分

甘草

炒

豆蔻

各四錢

陳

皮

去白

訶子皮

各七錢

御米穀

蜜浴二兩

焙

右搗細末蜜煉和丸如彈子大小兒櫻桃大薑湯化
下一丸

溫脾湯 治小腸虛寒若頭偏痛耳煩痛下痢赤白腸
滑腹中疼痛裏急後重

乾薑 當歸 黃蘗 地榆 阿膠 茴香 石
榴皮 黃連

右剉散每服四錢水一盞半煎至七分去滓溫服

石鍾乳湯 治大病後重赤白痢腹中疼痛

石鍾乳 黃連 防風 附子 當歸 黃蘗

乾薑 蜀椒

右除鍾乳外剉如麻豆再同和勻每服四錢水一盞
半煎八分去滓空服日二服

地榆散 治下痢純血臍腹疔痛裏急後重日夜頻數
地榆 枳殼 甘草 白芍藥 赤芍藥 黃芩
訶子肉 罌粟殼

右為細末每服三錢空心倉米飲調下脾胃稍弱者

不可服

當歸黃連湯

治後重下痢赤白滯下腹內結痛

當歸

黃連

赤茯苓

地榆

犀角屑

甘草

厚朴

右粗篩搗每服五錢水一盞半入生薑一片棗大擘
碎同煎至八分去滓空心溫服日再

訶梨勒丸

治腹痛虛滑裏急後重心胸痞悶逆滿或

傷冷暴瀉手足厥

脉息沉浮

肉豆蔻 白礬 木香 訶梨勒 龍骨 烏頭

縮砂仁

右搗羅為末粟米粥和如梧桐子大每服二十九食
前米飲送下

導氣湯 治下痢膿血裏急後重日夜無度

芍藥 當歸 大黃 黃連 木香 檳榔 黃
芩

右為末每服五錢以水一盞煎至七分溫服如未止

再煎服

地榆散 治五色痢裏急後重痛不可忍者併皆治之

地榆 黃連 御米殼 陳皮 藿香 甘草

蒼朮

右為粗末水一盞煎至八分每服二錢去滓通口服

併二服滓再服

當歸丸 治冷痢裏急後重

當歸 胡椒 黃連 厚朴 阿膠 乾薑

右除阿膠外為末用好醋阿膠調和為膏和劑丸

玉粉丸 治下痢赤白日久不瘥裏急後重取冷積

粉霜 硫黃 膩粉 硃砂 乳香 白丁香

右在同研勻用生薑自然汁煮棗肉研作劑每服施
丸如豌豆大臨卧煎生薑棗湯下丸未動次夜服十
丸老少以意加減

神効糊粉丸 治腸胃虛滑下痢無度赤白相雜臍腹
疼痛裏急後重減食羸瘦或經久未瘥並宜服之

胡粉 烏賊魚骨 阿膠 白礬 龍骨 蜜陀

僧

右為末以粟米飯為丸如梧子大每服二十九至三十丸止米飲湯下

水煮木香丸 治一切赤白膿血相雜裏急後重或臟腑滑泄日夜無度或積寒久冷臍腹疼痛不思飲食

當歸 訶子 木香 甘草 罌粟殼 赤皮

右為細末煉蜜和丸如彈子大每服一九水八分煎

至六分空心溫服

薑桂湯 治赤白痢裏急後重小腹疼痛不可忍者

乾薑 官桂 甘草 栗殼 黃栢

右為粗散每服十兩重泉煎赤加黃栢白加乾薑空心服

聖功散 治冷熱不和下痢赤白臍腹作痛裏急後重

乾薑 五倍子 訶梨勒 甘草

右為細末每服二錢食前米飲調下

訶梨勒湯 治腸虛冷熱不和赤白下痢裏急後重

訶梨勒

草豆蔻

延胡索

各半兩

乾薑

一分

右搗篩每服三錢匕水一盞煎至七分去滓食溫服

勻氣湯 治臟氣不調裏急後重

蒼朮

厚朴

各四兩

甘草

二兩 乾薑

三分

右搗篩每服三錢匕水一盞煎至六分去滓食前溫

服

通神丸 治膿血雜痢後重疼痛日久不瘥

沒藥

五靈脂

乳香

各一錢

巴豆

半錢

右各研細再同研勻滴水丸如黃米大服七丸煎生木瓜湯下

丹砂丸

治冷痢赤白裏急後重大腸虛滑

丹砂

草烏頭

乳香

各一錢

巴豆

七枚

右再同研令勻細用醋煮麪糊丸如梧桐子大每服一丸冷乳香湯下

和胃散

治冷熱不調瀉泄膿血後重腹痛米穀不化

南青皮

車前子

甘草

各一兩

御米殼

三兩

右為細末每服二錢前橘皮蜜湯調下

歸連散

治冷熱不調下痢膿血頻併後重腹內疴痛

飲食不下以致危困三服立止

小聖散

治赤白冷痢腹痛後重

陳皮

乾薑

甘草

各一兩

御米殼

三兩

右為粗末每服三錢水一盞半煎至七分去滓入蜜少許食前溫服一方不用蜜治瀉痢絕白者

薑桂散

治洞泄飧泄裏急後重

乾薑

炮三兩

甘草

一桂一分

右搗羅為散每服二錢匕水白湯調下兼治腹痛止
虛渴

芍藥黃芩湯

治泄痢腹痛或後重身熱久不愈脉洪

緊者及下痢膿血稠粘

黃芩

芍藥

各一兩

甘草

半兩

右㕮咀每服半兩水一盞半煎一盞溫服無時如痛

加桂少許

三奇散 治痢後裏急後重

枳殼 黃耆 防風

右等分為末每服二錢蜜湯下米飲亦得

如聖散 治後重下膿血

臭橘

草薢

各一兩

右搗碎炒令煙出放冷為細末每服二錢至三錢米

清調下

治裏急後重

好蛤粉

川山甲

各等分

右為細末每服一錢好酒空心調服

又方 治裏急後重

枳殼 皂莢子

右等分炒令乾燥為末米飲為丸如梧桐子大每服
三十丸空心米飲下

大黃湯 治泄痢久不愈膿血稠粘裏急後重日夜無

度久不愈者

用大黃一兩右剉細以好酒二大盞同浸半日許煎至一盞半去大黃不用將酒分二服頓服之如未止再服以痢為度復服芍藥湯和之痢止再服黃芩芍藥湯和之以徹其毒也

白朮黃耆湯 服前藥痢疾雖除宜此和之

白朮

一兩黃耆

七錢

甘草

二錢

右㕮咀勻作三服水煎服一方無黃耆用黃芩半兩

療重下方 療源云此謂赤白滯下也令人下部疼
重故名重下去膿血如鷄子白日夜數十行繞臍痛
也

用豉熬令少焦搗服一合日再三服不止又熬豉令
焦水一升淋取汁服冷則用酒淋日三服之

治重下下赤者方 取獺赤糞

右以酒清旦空腹服一小杯三旦飲即愈

赤白下久穀道疼痛不忍宜服溫湯藥

用炒豉熨之又炙枳實熨之

治裏急後重不能安快用末子人參消風散及黑神散

小平胃散

右和勻用乾艾并陳米五十粒煎湯去滓只用湯調藥服其効如神

靈砂丹 治臟腑怯弱內有積滯臍腹撮痛下痢膿血
日夜無度裏急後重腸鳴腹脹米穀不化少氣困倦
不思飲食不發寒熱漸羸瘦

硝石 砒霜 膩粉 粉霜各半 黃丹 枯礬各

一兩 朱砂 乳香 滑石各一分

右為末用蒸餅二兩四錢和為丸如梧桐子大每服
五丸溫粟米飲下未愈加丸數再服小兒服一九二
丸

厚腸丸 治臟虛氣寒下痢不止裏急後重臍腹疼痛

鍾乳粉二兩 宣黃連 人參 白朮 訶子 荳寇

厚朴 茴香 阿膠 白茯苓

右件為細末入鍾乳粉同研勻湯浸蒸餅為丸如梧
桐子大每服一百丸糯米飲下空心服

濕蠱 附論

夫濕蠱病者由脾胃虛弱為水濕所乘腹内生蟲侵蝕
成蠱也蠱者蟲至於蠱而難知也多因下痢不止或時
病之後客熱結於腹內其狀不能飲食忽忽喜睡
口乾燥熱骨節沉重齒無光色舌上盡白細瘡如粟若
上唇生瘡是蟲食五臟則心煩懊若下唇生瘡是疳食

下部則肚門爛開甚者臟腑被蝕齒上下斷悉生瘡者
齒色紫黑利血面濕水氣也脾附乎胃而象土胃為水
穀之海脾氣磨而消之水穀之精化為血氣以養腑臟
若脾胃虛弱則土氣衰微或受于冷乍傷于熱使水穀
不消化糟粕不實則或下痢翻為水濕所傷若久病之
後傷胃虛熱熱則三尸九蟲因虛發動侵蝕五臟上出
唇口下至肛門胃虛氣弱則變嘔噦蟲蝕臟腑傷敗痢
出瘀血如此者死其因脾胃虛微土氣衰弱為水濕所

侵蟲動成蠱故名濕蠱也又云天行之濕初得不覺行坐不廢恒少力氣或微痢或不痢或痢而變嘔吐即是蟲內蝕于臟又云急結濕先因腹痛下痢膿血相兼出成病也故大小便不通頭項皆痛小腹急滿起坐不安必有內蝕五臟凡如此者雖初證未發于外而心腹亦常煩懊不治則唇口及肛門潰爛而死也

方

薰黃散 治痔濕墜下赤黑血肛門蟲蝕赤爛日夜疼

痛

雄黃 丹砂 食鹽 青黛 丁香 礬石 梔

子仁 鐵衣 麝香 苣荬子 細辛 土灰根

乾薑 菖蒲 煨薑 甜葶藶 蜀椒 故靴底

各一兩 天靈蓋一分

右搗研為散每服一錢已以綿裹內下部中日再易
治疳濕蝨蝕口齒及下部

右用飛連三兩燒為灰細研每用一錢傳病處痛甚

忍之若不痛則非疔

又方 治疔濕經年不瘳

用燒香曝乾搗末傅瘡神効

青箱子散 治疔濕墮殺蟲

青箱子 雄黃 硫黃 蕪荑仁 苦參 狼牙

各三分
藜蘆 二雷丸 半兩

右搗研為散以綿裹一錢已內下部中日再易之

丁香散 治濕墮不止

丁香 青黛 黃連 木香 灰石 蚺蛇膽 兩半

麝香 一錢

右搗研為散每用半錢傳瘡上日三兩易

蕪荑丸 治濕蠱痢不止

蕪荑仁 吳茱萸 枳殼 乾薑 兩半 黃連 各二分

右搗篩為末煮漿水飯和丸如梧桐子大每服二十丸空心日午米飲下

聖湯 治下赤白痢大孔蟲蠱生皆瘥

鼠尾草

二兩
一升

梔子仁

生薑

各六分

桃皮

右㕮咀以水七升煮二升半分三服一本單用桃皮以酒煮服之

苦參湯

治疳濕蠱口齒及下部

苦參

青箱子

熊膽

各半兩

右除熊膽外搗篩服每服四錢匕水一盞半煎至八分去滓入膽半分攪和空心頻服日午再服之一方無熊膽用生地黃汁調下一錢

黃連湯 治痢濕蜜下部瘡爛

黃連

四兩

熟艾

二兩

苦參

槐白皮

各三兩

右細判如麻豆每服五錢水二盞煎至八分去滓重者不過三劑

丁香散 治甘濕蜜洗熨下部

丁香

一分

麝香

一分

犀角

甘草

各三分

右搗研為散以鹽椒各三合豉二升水三升去滓熟用綿蘸洗熨下部冷即易

參連湯 治濕蠱痢蟲蝕下部

苦參

兩半

黃連

二兩

阿膠

一兩

右粗搗篩每服五錢匕水一盞半煎至八分去滓空心溫服日晚再服

治下部疳濕蠱經年不瘥

白礬

兩半

桂心

兩半

徐長卿

兩半

右搗細羅為散每用半錢日二三上傳瘡

蕪荑黃連丸 治濕蠱痢

蕪荑仁

半兩
黃連一兩

右搗細為末煉蜜丸如梧桐子大每服五九空心食前暖米飲下加至七丸

治濕蠱痢下血不止 乾嘔羸瘦多睡面黃者

用猪膽和生薑汁醱醋半合灌下部手急捻令醋氣上至咽喉仍放手當下五色惡物及蟲

雄黃散 治疔蠱蝕下部生瘡膿血雜下身面俱浮腫

雄黃

青箱子

各二兩

苦參

三兩

礬石

雌黃

藜蘆

鐵衣

各一兩

麝香

半兩

右搗研為散每和醋棗大以竹管送內下部中若小

兒以大豆許此方能救死

兔頭散 治疳濕久下痢赤白蟲蝕肛門赤爛下血痛

名為濕墮

兔頭骨

苦參

蛇頭

薪箕子

胡緋

狸骨

葶藶子

蜣琅

黃蘗

百草

倒掛草

青黛

晚蠶蛾

青礬

丁香

乾薑

蜎虫屎

麝香

牀中恍木 印成鹽 救月木 桂心 角蒿

鐵衣 硃砂 芒硝 蝦蟇 黃礬 荏子

各等分

右炒為細末入筒子中內下部吹進日一二度 一方無
荏子倒掛草有丹參半分

治疔濕下黑痢醫不能治垂死者

觸髅灰 薰黃 硃砂 青黛 石鹽 丁香

苘荬子 麝香 礬石 梔子 鐵衣 乾薑

乾蝦蟇 故敝靴底灰 細辛 芥子 蜀椒

土瓜根

葶藶

菖蒲

各等分

右治節以竹筒吹杏仁着大孔中所有患者疔瘡上
悉傳之其丁香麝香別妍搗着藥中合之一方有寒
水石泔淀救月木揪葉為二十三味若病大者用灌
方佐

麝香

丁香

甘草

犀角

各三分

右四味為粗末合和以鹽三合豆豉二合以水二升
煮取一升去滓內四味散合和分作二服灌大孔日一

灌凡九下一日不瘥成疽候大孔心寬者是以此主之

黃芩湯 治瘡濕不能食身轉心熱脚冷百節疼痛

黃芩 芍藥 苦參 甘草 當歸 蜀椒 甘

松 猪膽二枝 青黛 黃 豉各二兩 東引桃根

葱白各一 鹽一分 麝香半兩

右呖咀以水一斗八升煮取四升分為二分一度灌一分湯如稍安再覺著麝香猪膽一枚即灌更取葱

鼓和食之後日更將一服如前灌之七日忌生冷毒物等但是油膩醬乳醋三十日忌之大佳

烏梅湯 療熱下痢方

烏梅

四十枚

梔子

四十枚

黃連

阿膠

黃蘗

各二兩

右五物以水五升煮取二升半分再服姚云療熱水穀下効

疳蠱

附論

夫疳蠱者由人多嗜甘味多而動腸胃間諸蟲致令侵

蝕腑臟此是蠱也凡食五味之物皆入於胃其氣結於
腑臟之中而不散脾與胃為表裏俱象土其味柔潤於
脾胃脾胃潤則氣濕而蟲動虫動則侵蝕成疳也但蟲
因疳而動故名之為疳也其初患之狀手足煩痛腰脊
無力夜卧煩燥昏昏喜睡黑黑眼澁羸弱顛倒飲食無
味面無顏色睡起即頭眩體重腔脛痛疼其蟲蝕五臟
則心内恍惚出蝕咽咳及齒斷皆生瘡出黑色齒血紫
赤下蝕腸胃下痢黑血蝕肛門生瘡爛開胃氣逆則變

嘔噦急者數日便死亦有緩者沉嘿肢節疼重食飯減
少面無顏色在內侵蝕及至數年方上蝕口齒生瘡下
至肛門傷爛乃死又云五疳即是白疳令人皮膚枯燥
面失顏色二是赤疳內蝕五臟令人頭髮焦枯三是燒
疳蝕人脊膂遊行五臟體重四是疳蠱令人下部痒腰
脊攣急也五是黑疳蝕人五臟多下黑血數日即死凡
五疳白者輕赤者次蟯疳又次之疳蠱又次之疳黑者
最重皆從腸裏上蝕咽喉齒斷並生瘡下至穀道腸爛

下痢膿血嘔逆足心熱腰痛嗜睡秋冬可春夏劇又
云面青煩赤眼無精光唇口焦燥腹脹有塊日漸瘦損
者是疳蝕入五臟至死不覺又云疳緩者則變成五蒸
也

方

丁香散 治五疳蒸下痢

丁香 麝香 石黛 皮鹽 山榆皮 小檗皮

桂心 乾薑 青礬 頭髮灰

各等分

右搗為散每用取乾者和臘月猪油和無療時行病後食羊肉及肥膩酒或房勞得九蒸終變為疳必須攻下部不行可輕之忌生葱効

元子礬散 治久患疳痢不瘥

元子礬 黃連 白礬 龍骨 雲母粉 麝香

無食子

右搗研為散空心生薑汁調下三錢匕日再服

女萎丸 治熱病時氣下赤白痢遂成蜜方

女萎 藜蘆 烏頭 桂心 黃連 雲母石

代赭

右為末蜜和丸如桐子大服二丸大下痢宿勿食清
旦以冷水服之勿飲食至日中過後乃飲食者若得
藥力明旦更服如前亦可長服虛羸晝夜百行膿血
亦瘥

石榴丸 治久痢成疳便下白色食不生肌膚

石榴皮 橡實 附子 無食子 厚朴 乾薑

右搗羅為末米飲和衆手丸如梧桐子大每服三十丸食前生薑湯下

苦參甘草湯 治瘡痢不止

苦參 甘草 薰黃 豉 葱白 蜀椒

右以苦參等三物各搗下篩以水五升煮葱白豉椒取三升以三指撮苦參末等各一撮內汁中冷煖令適中先飲少許豉汁食一口乃側卧徐徐灌之訖多時卧不出為佳大急乃出之於淨地當有瘡溫蟲如

白馬尾狀頭黑是効也其肛腫大難差當取桃枝綿
裹頭用前件汁乘熱急烙之須臾復一作三十度烙
之乃瘥神効

治疳蠱經年不瘥 用蚊蛤燒灰以臘月猪脂和塗之
大効

療疳溫痢神効方

黃連 零陵香 犀角屑 丁香 麝香 牛黃

右以水洗黃連零陵香丁香澄清水去滓更以水添

滿九升內黃連零陵香丁香犀角煮沸服然後着牛
黃麝香煎一沸取一升分作三服如一服不盡二日
服亦得忌生冷酢滑猪肉魚三日內不得食葱韭深
師以九升先以一升煮煎添盡九升取一大升分為
三服

麝香丸

治疔瘻時久下部生瘡

麝香

乾薑

蠱蟲糞

葵莖

白礬

蝦蟆

右搗羅為末以醋煮麪糊和丸如梧桐子大每於食

前以艾湯下十丸

五皮湯 治久痢赤白瘡濕諸疾

槐皮 桃皮 檮根白皮 柳皮 棗皮

右細剉用水二盞煎至一盞去滓濕服未止再服

檮白皮散 治久痢成瘡灌洗方

檮根白皮 大麻油 酢泔淀 椒 鼓

右以水五升先取椒鼓煎絞取汁二升和檮汁麻油
泔淀等三味分為二分一分灌下部隔一日更取餘

者復灌其藥溫用唯得食煑飯葱白爛煑蔓菁芥等
五十六日外以鹿脯下飯

治疳蝕人諸處旦是赤血痢久不瘥立著即瘥秘方

乾蝦蟆

人屎灰

金銀土蝸

各五兩

麝香

銀末

右治下篩傳瘡上即瘥忌生冷毒物一切油膩醬乳
醋忌之三十日大佳痢者吹下部

二白湯 治久痢變疳下部生惡瘡惡寒壯熱

桃白皮

槐白皮

苦參

熟艾

大棗

右以水五升煮取二升半去滓內熊膽一棗許大

艾蜜

右以水一升先煮黃連艾取半升後內硫黃末更煮三五沸絞去滓又內蜜更煮三五沸分三服

一治丈夫婦人小兒久痢成疳百藥不瘥

丁香 麝香 黃連

右搗研為散每以一錢取竹筒吹入下部小兒量度減之不過三四次瘥一方食前以粥飲調下二錢

療五疳蒸下痢

青黛 丁香

黃連

各等分

右搗篩用泔淀和為丸口中有瘡含之若下部有瘡以綿裹內下部日服五六十丸含之令下瘡

苦參丸 治疳蠱上唇内生瘡如粟口中乾澀腹痛面色枯白好睡體重蟲食五臟

苦參

一兩 桃皮白

三分 槐皮白

三分

右細剉以水三大盞煎至二大盞去滓食前分溫三

服

黃礬散

治疳蠱腸頭挺出

黃礬

一兩 乾薑

一兩 葛勒蔓

一兩

右搗羅為散熔黃蠟和如棗核大以薄綿裹內下部

中日易三効

治疳痢不止

千金方

大麻子

胡麻

各一升半

右並炒令黃以三升瓦餅泥表上厚一寸待泥乾內

大麻等令滿以四五枚箆管插口中密泥之掘地作
竈倒立竈口底著瓦器承之密填竈孔中地平聚灰
著餅四面厚圍之日夜放火燒至明旦開取適寒溫
灌疳溫者下部中一合尋覺咽中有藥氣者為效亦
不得過多多則傷人隔日一灌重者再三灌之從旦
灌至日夕極覺體中乏力勿恠也非旦治疳溫凡百
異同瘡疥癬並洗塗之

治疳蠱蟲蝕下唇生瘡多腫頭面時腫下部痔痛不止

者

出聖
患方

雞子

好漆

一合

右相令勻空腹仰頭頻服令盡當吐蟲即愈

治疳蠱腸頭挺出

桃葉

二兩
腐犬骨
二兩

右搗細羅為散每服於食前以粥飲下二錢

又方

出聖
患方

乾蝦蟆

一枚
兔糞
半兩

右細研為散用綿裹連子大內下部中易効

治疔瘡久不瘥羸瘦欲死

出聖濟總錄

用新出羊糞一升以水一升漬經宿明旦絞滓頓服之至日午唯食煮飯極重者不過三服

薤白餅

治療疔痢及諸痢疾

出續易簡方

用薤白一握生搗如泥以粳米粉二物蜜調相和桿作餅炙取熟與喫不過三兩服一方切煮作粥治痢下膿血以醋煮食之治病人齒無色舌上白或喜睡

眼憤憤不知痛痒處或下痢急治下部不曉此者但攻其上不以為意下部生蟲蟲食肛門爛見五臟便更用馬蹄燒灰末猪脂和傅綿上導下部日二三度瘥

療冷痢方

用茛菪子炒令黃色搗為末和臘月猪脂更搗令熟為丸綿裹如棗許大以內下部中因痢出即更內新者不過三度即瘥

療痢後膿血或變純白或成魚腦五七年以上或一二年不瘥變成疳下如泔漩方

用生羊肝一具剥去上膜切作柳葉朝暮空腹取肝手取吞之覺心悶則止不悶還服之一日之間能不食粥飯盡一具羊肝者大佳不然除飽吞外料理生肝以薑蘼下飯如常法食之日食一具肝不過二三具即永瘥後一月不得食熱麪油膩醬猪肉魚雞肉等

苦參散

出聖濟
總錄

治疳蝕人下部通見五臟下痢膿血

舉體不安徧身疼痛面無顏色手足虛腫

苦參

礬石

熱令
汁盡

青箱子

各半
兩

藜蘆

一分

右為末每服用二錢匕置竹筒中吹下日三二度小

兒只一錢

猪膽煎

出聖濟
總錄

治疳蝕下部上攻移熱殺蟲

猪膽

一枚
米醋五
合

右煎醋令百沸入膽汁更三五沸滿口飲之蟲死即

瘡

治疔腫無問所在皆治之

出聖濟總錄

用死蝦蟆燒灰研末以油塗瘡上一方用好醋和傅之日三五度瘡

治疔痢曉夜無度者

出本草

用樗根濃汁一雞子殼許和粟米泔一雞子許灌下部再度即瘡其驗如神小孩減用之甚妙

治疔痢困重

用樗白皮搗麪拌作小顆子日曬少時又拌凡三過
水煮至熟加鹽酢酒一得頻服多少量兒大小

治久痢成瘡

用胡粉和水及雞子白服以糞黑為度為其殺蟲而
止痢也

治瘡蟲亦治腸瘋顛血并熱痢

用苦參炒待烟出為末飯後下

治瘡痢

用粟米酸泔和臭樗皮煎服

治疳痢腹中諸瘡

用豺皮煮汁飲或燒灰和酒服之其灰傅匿齒瘡



普濟方卷二百十三